

Vun driveriver

erscheint auf www.lenauheim.de

monatliche
Erscheinung

Juli 2010

von *Helen Alba*

So kann mer sich teische!

Iwerhauptscht, wann mer zu gutglaawich is! Un des sin ich oft, weil ich immer denk, dass jeder so sin misst, wie ich des sin. Also, des war so: im Jänner schun sin ich bei dem Rentneramt in Temeschwar rumgstulpert un han mei Gsuch ingin, for in dem Summer in e Kurbad zur Behandlung fahre zu kenne. Un weil jo seider dem Jahr e neiji Regel is, was die Kurbadkarte anbelangt, han ich anfangt zu rechne un zammzuzähle. Weil es is sowohl in der Presse wie ach im Internet angsaat gin, dass ab dem Jahr ke Mischmaschuri me meeglich sin. Weil e elektronisches Sistem sucht die Rentner aus, die seider zwaa Jahr nimi im Kurbad ware, die in Altersrente sin, usw. Un wann mer je meh Punkte hat, kann mer umso sichrer sin, dass des klappe werd.

Un des alles han ich geglaabt. Die Monate sin ins Land gezoo, nix hat sich gerieht. Villi Bekanhti han mich druf ufmerksam gemacht, dass mer ach bei dem neije Sistem nit sicher sin kann, ob alles sei normale Gang geht. Weil es git sicher Rentner, die Vorrang han. Vleicht han se dorte Bekanntschaft, oder han Schmiergeld gin, dass se je meh Punkte zammkrien. Ich han des alles nit glaawe wille. Un sin trotzdem e Bessrem belehrt gin.

Weil ich mich ufgsitzt han un wieder dem Rentenamt e Bsuch abstatte tu. Noh langer Warterei sin ich dann dran kumm, han mei Leed geklaat. Des Schalterweib fangt an am Computer zu finge, derno in eem Blechschank zu wuhle un halt endlich mei Gsuch in der Hand. Ich krien ach zur Antwort, dass in dene drei Kurbäder, die wu ich angin han, ke Platz wär, obzwar ich die heechscht Punktezahl han. Freindlich froo ich jetz, ja wu dann Platz wär?! Un des Schalterweib fangt an ufzuzähle. Jetz han ich schun Ruh bewahre misse, weil ich wiedich gin sin. Trotzdem froo ich heeflich weiter, warum mer in so eem Fall nit verständicht git. Die Telefonnummer un Adress is doch ufm Gsuch angin. Die Antwort war: Ja, do hätte mer awer vill zu tun!

Die „Wohrheit“ umesunscht

Es is jo gut un loweswert, dass die Owetsausgabe der Zeitung „Adevârul“/“Wohrheit“ in Temeschwar koschtelos ausgeleet git. Die Leit, iwerhauptscht Pensioniste, die wu geere Zeitung lese un sich weger Geldmangel kenni kaafe kenne, han so die Gelegenheit, sich umesunscht zu informiere. Un es git in der Stadt solchi Ständre, wu die Zeitunge am Nohmittach oder geger Owet zum Holle sin. Awer was sich do so tut, des is meiner Meinung noh e Ding der Unmeeglichkeit.

E Beispiel: So e Zeitungsständer steht in der Schager Strooss, dorte wu mol die Arta Textila war un jetz e Profi-Gschäft is, newer der Bushalterstell. Un dorte is a e Bank. Uf dere hucke schun um die Mittachszeit, in der greeshti Hitz oder bei Wind un Reen, drei, vier aldi Weiwer un warte uf die Zeitung. Phaarmol han ich zufällig beowachte kenne, was sich so tut, wann die Zeitung dann ankummt. Sie stehn uf, warte e bissl, schau noh rechts un links. Derno rolle se Zeckre, die wu se unerm Arm ghat han, ausenanner un fange der Reih noh an zu raffe un in die Zeckre zu verstaue. Haufeweis. Bis de Ständer leer geraamt ist. Des dauert nit länger wie zehn Minute – un fort sin se, die Zeitunge un ach die Weiwer.

Weil ich vun Natur aus neigierich sin, han ich mich mol bei so eem Weib befroot, was se dann mit sovill Zeitunge mache tut. Mir nix, dir nix, hat se gement, erschtmol hätt se Verpflichtunge un muss de Nochberschleit dervun abgin. Die hätte dann weiter ihre Verpflichtunge. Un was iwrich bleibt, des git halt in de Müll geworf. Un weil ich ingeworf han, dass des doch ke Kehrtsich is, hat des Weib schnippisch gement, des geht mich doch alles gar nix an. Jetz war ich belehrt. Punktum!